

Nelayan rayu kerajaan lulus lesen tangkapan udang

UM 29/4/2022 MS: 32

Oleh Zaid Mohd. Noor

zaid.noor@mediamulia.com.my

BESUT: Persatuan Nelayan Besut (PNB) merayu kerajaan meluluskan permohonan nelayan untuk mendapatkan lesen tangkapan udang di pesisir pantai di sini pada musim tengkujuh.

Pengerusi Persatuan Nelayan Kawasan (PNK) Besut, Tengku Harun Tengku Ismail berkata, seramai 50 pemilik bot nelayan pantai di daerah ini mengemukakan permohonan lesen tersebut sejak September lalu.

Katanya, nelayan terlibat sedia mematuhi syarat-syarat yang ditetapkan termasuk menggunakan pukat penyisih penyu bagi mengelakkan hidupan laut itu terperangkap dalam pukat.

Katanya, hasil tangkapan udang didapati lebih banyak pada musim Musim Timur Laut yang bermula Disember ini hingga Mac depan.

“Pada musim tengkujuh, ia



SEBAHAGIAN daripada bot nelayan pantai yang terdapat di negeri Terengganu. - UTUSAN/PUQTRA HAIRRY ROSLI

adalah musim udang di pesisir pantai namun nelayan tidak dibenarkan menangkap udang sekiranya tidak mempunyai lesen daripada Jabatan Perikanan.

“Nelayan memohon lesen tersebut untuk membolehkan

mereka menangkap udang secara sah pada musim tengkujuh,” katanya kepada *Utusan Malaysia* di sini, semalam.

Difahamkan, kebiasaannya udang putih adalah antara jenis udang yang banyak terdapat di

pesisir pantai di negeri ini pada Monsun Timur Laut.

Tengku Harun memberitahu, hasil tangkapan udang yang banyak itu dapat membantu menambah pendapatan untuk menyara keluarga.